



**De Ortv Et Progressv Ac Viris Illvstribvs Ordinis
Gloriosissimæ Dei Genitricis, semper Virginis Mariæ de
monte Carmelo**

Trithemius, Johannes

Coloniae Agrippinae, 1643

Cap. IX. Varia Priuilegia titulo S. Mariæ Virg. huic Ordini concessi,
varijq[ue] Sancto, alumni, & amulatores virtutum eius recensentur.

[urn:nbn:de:hbz:466:1-64495](#)

queant. Pro quo sciendum est, quod Carmelitæ duo
facella, siue templo, in Deiparæ Virginis honorem,
in monte Carmelo construxerunt: Primum, ipsa ad-
huc viuente, non diu, ut inquit Trithemius, post
Domini passionem, in vno latere, siue ut alij do-
cent, in declivio montis Carmeli: alterum, mox
post gloriosam eius in cœlos assumptionem, in eo
montis Carmeli loco, vbi Elias olim ascendentem
nubeculam Virginis typo insignem conspexerat,
id est, in vertice Carmeli, vti constat ex 3. Reg. c. 18.

CAPUT IX.

*Varia priuilegia ex titulo S. MARIAE V. huic Ordini
concessa, varijque Sancti, Alumni, & Æmulato-
res virtutum eius recensentur.*

AQue hinc est, quod attendentes Summi
Pontifices, honorificam hanc nomenclatu-
ram Fratrum S. MARIAE de monte Carmelo
esse propriam huius sacræ Religionis, ab antiquis-
simis illis temporibus monachorum habitantium
in Carmelo, illam Apostolicis suis Bullis confirma-
runt, expressis verbis declarantes, hunc sacrum Or-
dinem, à B. Virgine Dei parente, editum fuisse,
Etenim Sixtus IV. in quodam diplomate Carmeli-
tis concessio, id sequentibus verbis testatur: *Dum
attenta meditatione pensamus, quod Virgo venustissi-
ma, qua florem speciosissimum Dominum nostrum
Iesum Christum, ineffabili Sancti Spiritus cooperan-
te virtute, genuit, produxitq; sacrum Ordinem
B. MARIAE de monte Carmelo à Sede Apostolica,
pluribusque Romanis Pontificibus multipliciter ap-
probatum, quem eiusdem gloriosissima Dei genitricis,-
semperq; Virginis MARIAE speciali titulo voluit in-
signiri &c. Eodem ferme modo loquuntur, alij
Pontifices, Sixti IV. successores, & nouissime Gre-
gorius XIII. in Bulla quæ incipit, *Vt laudes Glorio-* Greg.
sissima, eisdem fere vtitur verbis, ac ipse Sixtus IV. XIII.*

immò omnibus fidelibus Ordinem Carmelitanum
sub titulo *Fratrum B. MARIAE Virginis nominati-*

Innoc. IV.

tibus Innocentius IV. decem dies indulgentiarum
contulit, *Vrbanus vero IV.* tres annos, & toutdem
quadragenias indulxit. Et quidem si magni princi-
pes in pignus amoris, & in argumentum sui fau-
oris, & gratiæ, eis, quos ex sacro baptismatis fonte
excipiunt, tanquam proprijs filijs charissima sur-
familiæ cognomina mutuant, quibus non parum
illi splendoris nanciscuntur; sane Beata Virginon
minora sui amoris pignora, huic sacræ Carmelita-
næ Religioni præstissime censenda est, cum Ma-
riani sui nominis celsissimam nomenclaturam ei
conferre non dubitauerit, ut iam non aliter nomi-
nentur, quam *Frates sanctæ MARIAE de monte Car-*
melo: & quod excellentius est, non solum sui nomi-
nis, sed & suarum virtutum, alumnos huius sacrae
Religionis, legitimos hæredes instituit, ut palam
ostendunt sanctorum, ac sanctarum millia, que ex
hac sacra Religione prodierunt: etenim præter
antiquissimos eius parentes, sanctissimos *Eliam*, &
Elisæum, nec non *Ionam* filium Sareptanæ vidue,
quem Elias mortuum ad vitam reuocauit, *Michæl*,
& sanctum *Abdiam*, certe in ea floruerunt omnes
filii *Rechab*, omnes *Esseni*, ac denique omnes *Fili*
Prophetarum, quos omnes monachos in veteri te-
stamento fuisse, affirmant sancti Patres, præcipue

S. Hieron. *S. Hieronymus* in epistola ad *Rusticum*, quæ in or-
dine est quarta, & in epistola ad *Paulinum*, quæ est

in ordine decimatertia & alijs plures: tunc autem
non erat alius monachatus, quam Carmelitanus: in
novo vero testamento, præter *S. Ioannem Bapti-*
stam, *ELIAE* spiritus hæredem, quem sancti Patres
passim appellant monasticæ disciplinæ Patrem, &
Principem, floruere insigni vitæ sanctitate prædicti

S. Cyril. *Sanctus Cyrilus Patriarcha Alexandrinus*, qui loco
Calestini I. Concil. Ephes. præfuit, vbi Deiparam
non solum Christototon, sed & Theotocon, hoc est,

Matrem

Matrem Dei appellandam esse, contra Nestorium
hereticum publice defendit, B. Ioannes Patriarcha *Ioan. 44.*
Hierosol. qui quadragesimus quartus post D. Iaco-
bum annumeratur, & scripsit teste Genadio contra
obtrectatores sui studij librum, in quo ostendit, sibi
Originis ingenium placuisse, non tamen doctri-
nam eius sequutum, alium etiam de institut. pri-
morum Monachorum, in veteri lege exortorum, & in
noua perseverantium scripsit ad Caprasium, qui ha-
betur tom. 9. Bibliothecæ sanctorum Patrum edi- *Biblioth.*
tione secunda: eiusq; meminere S. CYRILLVS Con- *SS. Patr.*
stantinopolitanus in epist. ad Abbatem Ioachim, S. Cyrill.
Thomas Waldensis de sacramentalibus tit. 9. c. 89. *Waldens.*
Molanus, Genebrardus, & alij innumeri scripto- *Molanus.*
res, eoque libro passim vñ sunt Theologi, præcipue Genebrar.
ad confutandas hæreses, & deliria Magdeburgen-
sium, Melanctonitarum, & aliorum afferentium,
monachatum rem esse nouam, aut nudiustertius
ortam in Ecclesia post Christum, eiusq; doctrinam,
quos Waldensis, contra Wicleph confundit præ-
citatō titul. 9. cap. 89. manifestè probans, monacha-
tum antiquissimam esse hæreditatem Ecclesiae, ad-
umbratam in Enos, qui speciali præ alijs cultu
cœpit inuocare nomen Domini: expressam au-
tem in Elia Carmelitarum Patriarcha, continua-
tam verò in Filiis Prophetarum, Rechabitis, atque
Essenis vñque ad Ioannem Baptistam, simillimum, ac
singularissimum Eliæ successorem, & sequacem: ac
denique Apostolorum tempore perfectam, & per
S. Dionysium Pontificem, qui primus ex monachis
assumptus est in Papam, per SS. Antonium, Cyril-
lum, & Ioan. Hierosolymit, vñque ad quartum sacer-
dium protractam: quo argumento, & doctrina
Waldensis, quem etiam ibidem citat in doctrinali
fidei art. i. cap. i. vñus est Dominus Cardinalis Bel-
larminus lib. 2. de monachis c. 5. de origine Religio-
num contra huius temporis hereticos Magdebur-
gens. Caluinum, & Melanctonem, licet postea in

*Waldens.**Card. Bel.*

libello de scriptoribus Eccles. ad an. 390. dubiter de
hoc Ioan. lib. ad Caprasium. quo tamen ipse fre-
quenter (vt dixi) vsus est. Evidem si dubitare licet
eneruatur, & infirmatur doctrina Waldensis dicto
tit. 9. vbi illius præcipue libri authoritate fulcitus,
sui temporis hæreticos ita expugnauit, vt a Martino V. Pont. Max. meruerit non solum sui openis
confirmationem obtinere, sed & summis etiam
laudibus ab eo extolli, vt constat ex bulla dicti
Martini V. Waldensis operibus inserta: consequen-
tur etiā rueret magna ex parte veritas antiquitatis
monachatus, quam Theologi docent, permulta mu-
tuantes ex doctrina Waldensis, qui copiosius in hoc
genere argumenti scripsit, & auctoritate Joannes
XLIV. frequenter utitur. Floruit etiam S. Bertoldus
primus Generalis Latinorum, S. Brocardus, S. Cyril-
lus Constantinopolitanus, S. Simon Stock Anglicus,
cui sanctissima Virgo insigne sui Ordinis scapulare
dedit, S. Hilarion, S. Albertus de Drepano, a
Sixto IV. canonizatus; floruit S. Henoch Patriarch.
Hierosol. qui vitam sancti Angeli Martyris scripsit;
S. Joannes itidem Patriarch. Hierosolymit. qui fuit
non solum professione, sed etiam sanguine frater
dicti sancti Angeli, S. Franciscus de Senis, S. Theodo-
ricus Germanus, S. Petrus Thomas Bononiæ Lega-
tus, Episcopusq; Paetensis, ac tandem Patriarcha
Constantinop. qui fundauit Bononiæ facultatem
Theologicam in Vniuersitate Bononiensi ex ordi-
ne summi Pontificis, cuius vices ibi gerebat, &
constat ex libris institutionis eiusdem facultatis:
floruit Beatus Andreas de Corsinis Episcopus Felu-
lanus, B. Auertanus Gallus, & B. Romeus, quorum
corpora honorificè coluntur Lucæ in Ecclesia ca-
thedrali, Petrus Lupus Belga, martyr insignis,
trucidatus ab hæreticis in Belgicis tumultibus,
B. Iacobinus de Cracouia, B. Stanislaus Polonus
martyr, B. Ludouicus Rauda martyr Siculus: sed &
his non contentus, alios non minus insignes sanctos
dunc

Mart. V.

nunc commemorabo. Hi sunt S. *Telephorus*,
S. Dionysius Papa, qui fuerunt primi, qui ex mona-
chis allumpti sunt ad Pontificatum, (ut scribit
S. Damasus in vita *S. Dionysij*, & adducit illustrissi-
mus Cardinalis Bellarminus lib. 2. de monachis c. 5.
de origine Religionum, ut probaret ante annos mille
quadragesimos fuisse in Ecclesia monachos, *Eliae*
successores,) Sanctus *Anastasius Persa* martyr il-
lius temporis, *S. Benedictus* Papa, & martyr, de qui-
bus omnibus, tanquam de palmitibus vineæ Car-
meli, Apostolica auctoritate fit officium in ordine
Carmelitarum, & appositi sunt in Calendario, &
Breuiario sub nomine Carmelitarum. Nec refert, *Trib.*
quod Trithemius dicat, hunc *Benedictum* fuisse *Abb.*

Card.

Bellarm.

Abbatem Ordinis *S. Benedicti*: nam reuera ex Or-
dine Carmelitarum fuit assumptus ad dignitatem
Abbatis *Benedictini*; quod non semel euenit, præ-
cipue in Hispania: immo paucis retro annis acci-
dit, quod Reuerendissimus Dominus *Martinus Cuparus* Mechliniensis, ex Priori Provinciali infe-
rioris germaniæ Ordinis Carmelitarum, fuit as-
sumptus, & creatus Abbas conuentus *S. Crispini*,
celeberrimi Benedictinorum monasterij, & ex
Abbate Episcopus Calcedonensis electus est. ut au-
tem euidens fiat hoc ita fuisse, id testatur epitaphium,
quod erat in tecto basilicæ Sancti Petri,
quod proprijs expensis restituit: sic enim habebat
aureis litteris scriptum, è regione sui sepulchri:
Hic iacet BENEDICTVS, quem CARMELVS protulit,
CASSINV aluit, VATICANVS coronauit. Alludens
ad tres montes Carmeli, Cassini, & Vaticani, in
quibus ortum, progressum, & finem habuit, cuius
epitaphij memoria, ne temporum iniuria deperi-
ret, illud ex dicta Basilica excerptis *Claudius de la Ville Gallus* doctor celeberrimus, & in libro he-
roicorum epitaphiorum apposuit libro secundo,
epitaphium octauum, ubi hoc modo explicat veri-
tatem epitaphij: *CARMELVS protulit, Cassinus aluit,*

Claudius.

S +

quia

quia pro victu, & vestitu, & necessarijs ex Abbatiali
 Cassiniensium dignitate annuos prouentus accepit.
 His accedunt S. Albertus Hierosolymorum Pa-
 triarcha, qui Carmelitis dedit Regulam quandā, &
 Patriarcha creatus Hierosolymorum suo iure, a se
 iam pridem confectam, confirmauit; Beati Fran-
 ciscus, alias (deprauatè) Francus, & Blasius Episco-
 pus Cremonensis, quorum corpora Cremonæ re-
 quiescunt; B. Ioannes Soreth Normanus totius
 Ordinis Generalis Prior, ac Reformato, Nunnus
 Aluarius Pererius Comes stabilis Portugallie le-
 minfrater, ut vocant, cuius corpus gloriosum Vlysi-
 pone requiescit in regio conuentu Carmelitarum
 quem sibi ipse ædificare fecerat, & postea profes-
 sione semirætris emissæ, in eodem monasterio hu-
 militatis munera exercens, viuus, & mortuus mira-
 culis coruscavit innumeris. B. Ioannes Sanctus Va-
 lentinus, Provincialis Valentia, B. Angelus alias
 Petrus Cernouichius, Princips Cernouichij filius,
 quorum corpora in augusto Valentinorum Car-
 melitarum monasterio in diēs miraculis conspicua
 requiescunt. Consultò, vltimo loco refereo alium
 S. Angelum Hierosolymitanum insignem marty-
 rem, qui dono prophetæ futura solitus vaticinari
 stigmata Domini, Patriarchæ nostro D. Francisco
 imprimenda fore, præsentे B. Dominico, prædicto
 Romæ in Ecclesia S. Ioan. Lateran. ut tradunt Pe-
 trus de Natal. in vita S. Angeli post librum duode-
 cimum, de Sanctis nuper canoniz. c. 10. & Baptista
 Bapt. Mæt. Mæt. in apolog. pro Carmelitis, & præcipue Tho-
 tho Bello, mas Belloriosus in vita Sancti Angeli, quam Enoch
 Patriar. Hierosol. Carmelita coætaneus ipsius An-
 geli scripsit, & postea ipse Thom. Protonot. Apost.
 prælo mandauit in triginta capita distributam, ubi
 postquam cap. 20. rerulerat sanctum Angelum ex
 Hierusalem summo Pontifici Honorio III. & Fri-
 derico de Claromonte ex parte Patriar. Hierosol.
 attulisse quasdam reliquias, scilicet tibiam, & bran-
 chium

Pet. de
Natal.

Bapt. Mæt. Mæt. in apolog. pro Carmelitis, & præcipue Tho-

Tho Bello, mas Belloriosus in vita Sancti Angeli, quam Enoch

ehium S. IOANNIS Baptista, caput Hieremia Propheta, brachium S. Catharinae, tibiam S. Georgij, & imaginem B. MARIAE Virginis, sic ait, cap. 21. Relictis Honorio, & Friderico in ciuitate veteri, Romanum venimus, ubi loca Sanctorum omnia deuotè lustrantes, mane proximo, maxima cum cleri, tum populi multitudine coacta, in basilica S. Ioannis Lateranensis, sanctus Dei ANGELVS magno spiritu feroore predicare cœpit: aderant ibi sancti Dei viri Franciscus, & Dominicus, quos cum nusquam antea vidisset, superna claritatis splendore mens illustrata, nouas, sed sublimissimas Ecclesie columnas adesse prædixit: sermone tandem finito, S. Dominicus spiritu elevatus, dixit S. Francisco, hic est Angelus Hierosolymitanus, Christi, & fidei Catholicæ defensor, & declarator ardentissimus, qui doctrina, & sanctitate vitæ incredibiliter Christianæ fidei profuit; cui S. Franciscus respondit: hic est ciuis cœlestis, qui in Sicilia martyrio coronabitur: & ambo simul animo hilari ad sanctum ANGELVM veniunt. & eum incredibili humilitate salutant, ac mutuo pacis osculo prosequuntur: tunc ANGELVS, saluete, inquit, maximi Christianæ militiae Doctores, Dominice impugnator hæresum strenuissime, & Franciscus Christi præcipue imitator, qui virtute humilitatis, vera portabis stigmata Christi: priuilegio datum est tibi mortiferam hæreticorum rabiem compescere, Christianum nomen defendere, & Ecclesiam augere, & illustrare: & Franciscus subdit: tibi Angele, veritatis defensor, meritò gestiendum est, breui namque in Sicilia martyrio vitæ militiam terminabis, & triclini laurea coronatus diuinæ fruitionis, & semperterni gaudij præmia suscipes. Ad hac Angelus: vobis sanctissimi viri, vobis magis gaudendum est, quibus Christianam Rempublicam fœlicibus cœptis, meritis, & doctrinis amplificare concessum est: ijs, alijsq; ultro, citroque inenarrabili charitatis ardore dictis, de multis, & magnis scripturarum, &

NOTA.

S. fides

fidei mysterijs humiliter inter se locuti sunt. & cum prope ad sanctam Sabinam peruenissent, homo quidam genere nobilis, sed leprosus obuiam eis veniens dixit: orate sanctissimi viri, ut Deus foedo hoc morbo vestra intercessione me liberet, quem illi in pace abire iubent. & subito sanus effectus dat gloriam, & honorem omnipotenti Deo. Angelus autem cum Dominico, & Francisco illum diem, & noctem in diuinis sermonibus, & oratione transegit. Hæc ibi. Huius colloquij meiminè celeberrimi viri Franciscus Maulicus in suo Martyrologio die 6. May. Petrus de Natalibus in vita sancti Angeli Carmelita, necnon Baptista Mantuanus in *Apologia pro Carmelitis*, & in vita sancti Angeli, qui in huius rei testimonium hæc præclara carmina cecinit, lib. 5. de sacris diebus:

Cum mare transisses, cupiens inuisere Roma
Reliquias, sacros cineres, monumentaq; Patrum,
Et Lateranensis stares in limine templi.
Contigit aternis res memoranda diebus.
Nam minor Etrusca veniens de monte Lauerna
Ad tua Franciscus sese vestigia flexis,
Prostrauit genibus, facrus dedit oscula plantis,
Insuper adiecit, salue Pater ANGELE montis,
Incola Carmeli, te mors manet inclyta, Christi
Te sitis eris, tibi Rex diuum decus annuet istud.
Te quoque Francisco memorant responsa dedisse,
Talia, soluendo tanto promunere grates:
O Francisce Deo, sed erit tua gloria nusquam
Inferior, tibi Christus enim sua vulnera quinque
Imprimet, & fies Christi patientis imago.
Dominicus Hispanus, qui tunc veniebat ab oris
Forte aderat, tam mira notans præsagia Patrum,
Et tulerat casus mundi hec trialumina in unum, &c.

C. 8.